



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KREITI YA 12**

**SEPEDI LELEME LA GAE (HL)**

**LEPHEPHE LA BORARO (P3)**

**DIBATSELA 2025**

**TLHAHLO YA GO SWAYA**

**MEPUTSO: 100**

**Palomoka ya matlakala a tlhahlo ya go swaya ke 10.**

**ELA HLOKO:**

- Diriša rubriki ye ge o swaya ditaodišo (Lephephe la 3, KAROLO YA A).
- Meputso ya 0 - 50 e arotšwe ka magato a mahlano a ditlhalošo.
- Mo go diteng, polelo le mongwalelo, le legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- Sebopego ga se sa arolwa ka legato la godimo le la fase.

**KAROLO YA A: RUBRIKI YA GO SWAYA DITAODIŠO [MEPUTSO YE 50]**

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG LE PEAKANYO</b>		<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
(Go araba dipotšišo) Tatelano ya dikgopolo ge go dirwa peakanyo. Temogo ya morero, baamogedi ba tshedimošo le dikamano.	<b>Legato la godimo</b>	-Bokgoni bja go araba potšišo ke bja maemo a godimodimo go fetiša. - Dikgopolo tša go laetša bohla, tša go hlohla mabjoko tšeo di tšweletšago tsebo ye e tseneletšego. -Peakanyo le tlemagano ke tšeo di ikgethilego mo go matseno, mmele le mafetšo.	-Potšišo e arabilwe gabotsebotse. -Dikgopolo di kgahliša kudu ebile di sepelelana le hlogo/sererwa. -Peakanyo le tlemagano ya dikgopolo ke tše dibotsebotse mo go matseno, mmele le mafetšo.	-Karabo e a kgotsofatša. -Dikgopolo di tlemagane ebile di a kgodiša. -Peakanyo le tlemagano ya dikgopolo ke tše dikaone mo go matseno, mmele le mafetšo.	-Tlemagano ya dikgopolo ga se ya maleba. -Dikgopolo ga di tšwelele gabotse ebile ga di bontšhe boitlhamelo. -Tatelano le tlemagano ya dikgopolo di tšwelela gannyane.	-Molekwa o tšwele tseleng kudukudu. -Dikgopolo di hlakahlakane ebile ga di nepiše. -Dikgopolo ga di nepiše hlogo ebile di a ipoeletša. -Ga go tatelano le tlemagano ya dikgopolo.
<b>MEPUTSO YE 30</b>		<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
	<b>Legato la fase</b>	-Bokgoni bja go araba potšišo ke bja maemo a godimodimo. -Dikgopolo tša go laetša bohla, tša go hlohla mabjoko tšeo di tšweletšago tsebo ye e tseneletšego. -Bokgoni bja maemo a godimo bja go beakanya le go tlemaganya dikgopolo mo go matseno, mmele le mafetšo.	-Potšišo e arabilwe gabotse. -Dikgopolo di a kgahliša ebile di sepelelana le hlogo/sererwa. -Peakanyo le tlemagano ya dikgopolo ke tše dibotse mo go matseno, mmele le mafetšo.	-Potšišo e arabilwe ka mo go kgotsofatšago eupša ga se ya hlaka gabotse. -Tlemagano ya dikgopolo e a kgotsofatša ebile e a kgodiša. -Peakanyo le tlemagano ya dikgopolo di a kgotsofatša mo go matseno, mmele le mafetšo.	-Molekwa o tšwele tseleng. -Dikgopolo di hlakahlakane. -Ga go peakanyo goba tlemagano ya dikgopolo yeo e tšwelelago.	-Ga go bolelwe selo ka hlogo yeo e filwego. -O tšwele tseleng kudukudu. -Diteng ga di nepiše ebile di hlakahlakane.

<b>POLELO, MONGWALELO LE PALOBOHLATSE</b>  Segalo, retšistara, mongwalelo, tlotlontšu ya maleba ya morero le dikamano. Kgetho ya mantšu. Tirišo ya polelo le melawana, maswao, popopolelo le mopeleto.  <b>MEPUTSO YE 15</b>	<b>Legato la godimo</b>	<b>14–15</b>	<b>11–12</b>	<b>8–9</b>	<b>5–6</b>	<b>0–3</b>
		-Segalo, retšistara, setaele le tlotlontšu di sepelelana kudukudu le morero, baamogedi le dikamano. -Polelo ke ya boitshepo, ya go nona, ya maatlakgogedi. -Polelo e na le segalo sa go ba le maatlakgogedi ebile e nonne ka mebolelwana ya go kgahliša. -Go nyakile go se be le ge e ka ba phošwana e tee ya popopolelo le mopeleto. -Polelo e beakantšwe ka bokgwari bja maemo a godimodimo.	-Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e na le maatla, ya segalo sa maleba. -Diphošo tša popopolelo le mopeleto ga se tše kae. -Polelo e beakantšwe gabotsebotse.	-Segalo, retšistara, setaele le tlotlontšu di sepelelana gabotse le morero, baamogedi le dikamano. -Tirišo ya maleba ya polelo e dira gore molaetša o kwagale. -Segalo ke sa maleba. -Mebolelwana e dirišitšwe go godiša boleng bja diteng.	-Segalo, retšistara, setaele le tlotlontšu di sepelelana gannyane le morero, baamogedi le dikamano. -Tirišo ya polelo ke ya motheo. -Segalo le mošito ga se tša maleba. -Tlotlontšu ke ye nnyane kudu.	-Polelo ga e kwešišagale. -Segalo, retšistara, setaele le tlotlontšu ga di sepelelane le morero, baamogedi le dikamano. -Tlotlontšu ke ye nnyane kudukudu moo e lego gore e dira gore ditaba di se kwešišagale.
	<b>Legato la fase</b>	<b>13</b>	<b>10</b>	<b>7</b>	<b>4</b>	
		-Polelo ya maemo a godimodimo ya go ba le segalo se maatla. -Go nyakile go se be le ge e ka ba phošwana e tee ya popopolelo goba mopeleto. -Polelo e beakantšwe ka bokgwari.	-Polelo ke ya maemo a godimo ya go ba le maatlakgogedi. -Segalo ke sa maleba sa go ba le maatlakgogedi. -Go na le diphošwana tše nnyane tša popopolelo le mopeleto. -Polelo e beakantšwe gabotse.	-Tirišo ya polelo e a kgotsofatša eupša e na le diphošo. -Segalo se a kgotsofatša eupša mebolelwana ga se ya dirišwa o kaalo.	-Polelo ga e kgotsofatše. -Ga go phapantšho ya mafoko. -Tlotlontšu ga se ye kaalo.	
<b>SEBOPEGO</b>  Dinyakwa/dipharolo gantšho tša setšweletšwa. Tšwetšopele ya ditemana le tlhamo ya mafoko.  <b>MEPUTSO YE 5</b>		<b>5</b>	<b>4</b>	<b>3</b>	<b>2</b>	<b>0–1</b>
		-Tšwetšopele ya sererwa ke ya maemo a godimodimo. -Tlhalošo ya dikgopolo ke ya maemo a godimodimo. -Tlhamo ya mafoko le ditemana ke ya go ikgetha, ya maemo a godimodimo.	-Tatelano ye botse ya tšwetšopele ya dintlha. -Tlemagano ye botse ya dintlha le dikgopolo. -Mafoko le ditemana di beakantšwe ka makgethe.	-Dintlha tša maleba di tšweleditšwe. -Mafoko le ditemana di hlamegile gabotse. -Taodišo e a kwagala.	-Dintlha tša maleba ga se tše kae. -Mafoko le ditemana di na le diphošo. -Taodišo e a kwagala eupša e na le mafokodi.	-Dintlha tša maleba ga di gona. -Mafoko le ditemana di fošagetše. -Taodišo ga e kwagale.

**KAROLO YA B: RUBRIKI YA GO SWAYA DITŠWELETŠWA TŠE TELELE TŠA TIRIŠANO [MEPUTSO YE 25]**

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG, PEAKANYO LE SEBOPEGO</b>  Go araba dipotšišo le dikgopolo. Tatelano le peakanyo ya dikgopolo. Morero, baamogedi, dinyakwa/dipharologantšho le dikamano.  <b>MEPUTSO YE 15</b>	<b>13–15</b>  -Bokgoni bja go araba potšišo ke bja maemo a godimodimo go fetiša. - Dikgopolo ke tša go laetša bohlale, le go mabjoko. -Tsebo ke ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.	<b>10–12</b>  -Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa. -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.	<b>7–9</b>  -Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.	<b>4–6</b>  -Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. - Melao ya sebopego ga se ya šomišwa ka tshwanelo. -Go tlogetšwe dintlha tše bohlokwa.	<b>0–3</b>  -Karabo ya gagwe ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopolo. -Ditaba di hlalošwa gannyane. -Sebopego sa setšweletšwa ga se sona.
<b>POLELO, SETAELE LE PALOBOHLATSE</b>  Segalo, retšistara, setaele, morero, baamogedi le dikamano. Tirišo ya polelo le melawana. Kgetho ya mantšu. Maswao le mopeleto.  <b>MEPUTSO YE 10</b>	<b>9–10</b>  -Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Go nyakile go se be le ge e ka ba phošwana e tee ya popopolelo le mopeleto.	<b>7–8</b>  -Segalo, retšistara, setaele le tlotlontšu di sepelelana gabotse le morero, baamogedi le dikamano. -Polelo e na le diphošo tše nnyane tša popopolelo ebile e hlamegile gabotse. -Tlotlontšu ke ye ntši. - Diphošo ga se tše dintši.	<b>5–6</b>  -Segalo, retšistara, setaele le tlotlontšu di sepelelana le morero, baamogedi le dikamano. -Diphošo tša popopolelo ga se tše dintši. -Tlotlontšu ke yeo e lekanetšego. -Diphošwana tšeo di lego gona ga di fetoše molaetša.	<b>3–4</b>  -Segalo, retšistara, setaele le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši. -Molaetša o a tšwelela eupša o arošitšwe.	<b>0–2</b>  -Segalo, retšistara, setaele le tlotlontšu ga di sepelelane le morero, baamogedi le dikamano. -Sengwalo se tletše ka diphošo ebile se hlakahlakane. -Tlotlontšu yeo e lego gona ga e sepelelane. le morero le gannyane -Molaetša ga o tšwelele le gannyane.

**ELA HLOKO:**

- Dintlha tšeo di filwego ka tlase ga hlogo ye nngwe le ye nngwe ke tša go hlahla baswai fela.
- Kwešišo ya molekwa ya hlogo yeo a e kgethilego e elwe šedi le ge dintlha tša gagwe di fapana le tšeo di filwego.

**KAROLO YA A: DITAODIŠO****POTŠIŠO YA 1**

Balekwa ba ngwale taodišo ya mantšu a 400–450 ka hlogo e tee ya tšeo di filwego. Ba ka ngwala ka mehuta ye e latelago ya ditaodišo: Taodišokanegelo, taodišotlhaloši, taodišokgadimo, taodišokahlaahlo, taodišongangišano goba tswalano ya tšona.

**1.1 Motsotsong woo ke ile ka lemoga gore bagwera ba a lahletša**

Go letetšwe gore molekwa a anege ka maitemogelo a gagwe mabapi le bagwera ba go se tshepagale.

**[50]****1.2 Go kaonafala ga dipelo tša Marematlou ngwageng wa 2024**

Go letetšwe gore molekwa a laetše mekgwanakgwana ye e thušitšego go kaonafatša dipelo tša Marematlou tša ngwaga wa 2024.

**[50]****1.3 Ditlamorago tša phetogo ya leratadima**

Go letetšwe gore molekwa a hlaloše ditlamorago tšeo di hlolwago ke phetogo ya leratadima.

**[50]****1.4 Ke mo ke bonego gore go tseba maleme a mantši go bohlokwa**

Go letetšwe gore molekwa a anege ka tiragalo/ditiragalo tše di mo lemošitšego bohlokwa bja go tseba maleme a mantši.

**[50]****1.5 Tik-tok ke mahlophaasanya**

Go letetšwe gore molekwa a laetše mahlakore a mabedi, a botse le bobbe bja go šomiša *Tik-tok*.

**[50]****1.6 Basadi ke baapei ba bakaone go feta banna. Dumela goba o ganetše.**

Go letetšwe gore molekwa a kgethe lehlakore la go dumela goba la go ganetša. Lehlakoreng la go dumela a laetše bokgoni bja basadi bja go apea. Lehlakoreng la go ganetša a laetše ka fao basadi ba sa phalego banna ka go apea.

**[50]**

Tlhathollo ya ditšweletšwa tša go bonwa e akaretša mehuta ya ditaodišo ka moka. Molekwa o ikgethela seswantšho gomme a ngwala taodišo ka mohuta wo a o nyalantšhago le seswantšho seo.

- 1.7 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A hlaloše ka fao batho ba ba budulego tlhaologanyong ba nago le mokgwa wa maleba wa go bolela le batho go feta ba go se butšwe tlhaologanyong. **[50]**
- 1.8 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A tšweletše ka fao moetapele wa maleba a swanetšego go hlola moya wa kwano le botee go balatedi ba gagwe. **[50]**

**PALOMOKA YA KAROLO YA A: 50**

**KAROLO YA B: DITŠWELETŠWA TŠA TIRIŠANO****POTŠIŠO YA 2****2.1 LENGWALO LA SEMMUŠO****Mohlala mabapi le diteng tša sererwa:**

Go letetšwe gore molekwa a ngwalele molaodi wa lebenkele lengwalo la boipelaetšo mabapi le lebesa le le senyegilego fela le sa le nakong.

**Sebopego le diponagalo/dinyakwa**

- Sebopego le botelele e be tša maleba.
  - Diatrese tše pedi, e lego ya mongwadi le moamogedi/moromedi le moromelwa.
  - Atrese ya mongwadi/moromedi e be le letšatšikgwedi.
  - Maemo a moamogedi/moromelwa le atrese
  - Madume
  - Hlogo ya taba
  - Matseno
  - Diteng di be mabapi le boipelaetšo ka lebesa le le senyegilego fela le sa le nakong.
  - Laetša seo o letetšego go bona se diragala.
  - Retšistara le segalo e be tše di fodilego, tša semmušo.
  - Tšhomišopolelo, tlotlontšu le maswaodikga e be tše di nepagetšego.
  - Mafelelo/Bofelo e be boitsebišo bja mongwadi
- Mohlala: Ka boikokobetšo/Ke nna/Wa lena  
Mokgaetši Maja/M Maja

**[25]**

## 2.2 BOITSEBIŠOPHELO LE LENGWALO LA GO TIIŠETŠA KGOPELO

### Mohlala mabapi le diteng tša sererwa:

Go letetšwe gore molekwa a ngwale boitsebišophelo a šomiša dintlha tše a di filwego le lengwalo la go tiišetša kgopelo ya mošomo wa bongwaledi.

### Sebopego le diponagalo/dinyakwa

#### A. Boitsebišophelo

- Boitsebišo bja mong
- Tša dithuto
- Maitemogelo a mošomo
- Dihlatse

#### B. Lengwalo la go tiišetša kgopelo

- Sebopego le botelele e be tša maleba.
- Diatrese tše pedi, e lego ya mongwadi le moamogedi/moromedi le moromelwa.
- Atrese ya mongwadi/moromedi e be le letšatšikgwedi.
- Maemo a moamogedi/moromelwa le atrese
- Madume
- Hlogo ya taba
- Matseno
- Diteng di be mabapi le kgopelo ya mošomo wa bongwaledi.
- Laetša gore sekgoba se o se kgopelago se phatlaladitšwe kae, ka letšatši lefe.
- Laetša gore go tiišetša kgopelo ya gago, o rometše boitsebišophelo bjo bo laetšago boitsebišo bja mong, dithuto, maitemogelo a mošomo le maina a dihlatsa.
- Retšistara le segalo e be tše di fodilego, tša semmušo.
- Tšhomišopolelo, tlotlontšu le maswaodikga e be tša maleba.
- Mafelelo/bofelo le leina:  
Ka boikokobetšo  
Wa lena  
Kola R (Moh.)

[25]

## 2.3 POLELO

### Mohlala mabapi le diteng tša sererwa:

Go letetšwe gore molekwa a tšweletše polelo legatong la bafsa ba motse wa gabo.

### Sebopego le diponagalo/dinyakwa.

- Matseno, mmele le mafelelo/thumo.
- Matseno e be a a gogago šedi ya batheeletši.
- Diteng di be mabapi le phadišano ya mmimo wa Lekompo letšatšing la bafsa.
- Go šomišwe mafoko a makopana a dikgopolo tše bonolo.
- Retšistara le polelo e be tša go hlompha.
- Tšhomišopolelo, tlotlontšu le maswaodikga e be tše di nepagetšego.

[25]



## 2.4 POTŠIŠOTHERIŠANO

### **Mohlala mabapi le diteng tša sererwa:**

Go letetšwe gore molekwa a laetše dipotšišo le dikarabo gare ga mmotšiši le mmotšišwa. Tšona di be mabapi le katlego ya morutwana yo a thopilego difoka.

### **Sebopego le diponagalo/dinyakwa**

- Go šomišwe dithekniki tša potšišotherišano.
- Go be le mmotšiši le mmotšišwa.
- Go fiwe maina a diboledi ka lehlakoreng la ngele la letlakala.
- Leina la seboledi se sengwe le se sengwe le latelwe ke dikgorwana.
- Polelo ya seboledi se sengwe le se sengwe e be mothalading wo moswa.
- Mmotšišwa a hlohlwe ka go botšišwa dipotšišo tša go lebana le difoka tše a di thopilego.

Go šomišwe dithekniki tša potšišotherišano go ya ka magato a a latelago:

- Matseno a e lego boithalošo a tšweletše morero.
- Go be le kwešišano le kamogelano go hlola moya wa go tshepana.
- Mmotšiši a botšiše dipotšišo go tšwa go tša kakaretšo go ya go tša go ikgetha.
- Dipotšišo e be tša maleba, go šomišwe polelo ya go hlamega, ya phatadiganong.
- Mmotšišwa a arabe ka bokgwari go laetša tsebo.
- Mafelelo/Thumo ye e tšweletšago ditebogo

**[25]**

## 2.5 ATHIKELE YA KGATIŠOBAKA

### **Mohlala mabapi le diteng tša sererwa:**

Go letetšwe gore molekwa a tšweletše seabe sa tlhokego ya mešomo maphelong a bafsa.

### **Sebopego le diponagalo/dinyakwa**

- Leina la kgatišobaka
- Leina la kgwedi le nomoro ya letlakala
- Hlogo ya taba
- Leina la mmegi
- Dintlha di fiwe ka boripana le ka nepagalo ntle le go kgopamiša nnete.
- Go ngwalwe ditaba tše bohlokwa fela.
- Diteng di be mabapi le seabe sa tlhokego ya mešomo maphelong a bafsa.
- Molaetša wa taodišwana/Athikele o fihlelele mmadi.
- Retšistara le polelo e be tša maleba.
- Tšhomišopolelo, tlotlontšu le maswaodikga e be tše di nepagetšego.

**[25]**

**2.6 LENANEOTHERO LE METSOTSO****Mohlala mabapi le diteng tša sererwa:**

Go letetšwe gore molekwa a ngwale lenaneothero le metsotso ya kopano ya lekgotla la badudi.

**Sebopego le diponagalo/dinyakwa****Lenaneothero**

- E be kakaretšo ya tšeo di tlogo ahlaahlwa kopanong.
- Go beakanywe dihlogo tša lenanethero go ya ka bohlokwa bja tšona.
- Hlogo ye nngwe le ye nngwe e abelwe nako gore tshepedišo e be ya maleba.

**Metsotso**

Thoma ka go ngwala tše di latelago:

- Leina la mokgatlo
- Letšatšikgwe, lefelo le nako ye kopano e swerwego ka yona
- Pulo le kamogelo ka modulasetulo
- Maina a maloko ao a tlilego
- Maina a maloko ao a kgopetšego tshwarelo
- Palo ya metsotso ya kopano ya go feta
- Kamogelo ya metsotso
- Ditšwametsotsong
- Tabakgolo ya letšatši: Go kgaotšwa ga meetse kgafetšakgafetša
- Tsopola tše go kwanwego ka tšona ka boripana.
- Letšatši la kopano ye e latelago
- Tswalelo
- Ngwala ka lebaka le le fetilego.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego. [25]

**PALOMOKA YA KAROLO YA B: 50**  
**PALOMOKA YA TLHAHLOBO: 100**